



**Elorri**ko udala

Herriko Plaza  
48230 Elorrio-Bizkaia  
Tel: 946 582 712  
Faxa: 946 583 287  
www.elorrio.eus

## **IRAGARKIA**

**Elorrioko Udalaren 2026ko ekitaldirako hutsik dauden Elorrioko merkatal lokaletan jarduera ekonomikoa abian jartzen dituzten ekintzaileentzat edo lehendik daudenen jarraipena ahalbidetzen dutenentzat dirulaguntza deialdiaren onarpena (2026-00303 espedientea)**

**Tokiko Gobernu Batzarrak, 2026ko otsailaren 20an egindako bilkuran, Elorrioko merkataritza-lokal hutsetan jarduera ekonomikoa hasten duten edo 2026ko ekitaldirako existitzen direnen jarraipena ahalbidetzen duten ekintzaileentzako udal dirulaguntzaren deialdia onartzea erabaki zuen. Era berean, 2026ko martxoaren 10eko 154 zenbakidun alkatetza-dekretuak aipatutako gobernu-batzordearen aurreko ebazpenean antzemandako zenbait akats zuzentzea erabaki zuen. Beraz, dagozkion oinarri espezifikoak osorik argitaratzen dira.**

**Deialdi hau 2008ko abenduaren 18an egindako Ohiko Osoko Bilkuran onartutako Dirulaguntzen Oinarri Arautzaileen arabera egin da (2009ko martxoaren 9ko Bizkaiko Aldizkari Ofizialean argitaratuak). Bi aldaketa izan zituen: lehena, 2010eko otsailaren 11n Osoko Bilkurak onartua (eta maiatzaren 10ean BAOn argitaratua) eta bigarrena, 2011ko abenduaren 28an Osoko Bilkurak onartua (2012ko otsailaren 10ean BAOn argitaratua).**

**Elorri, 2026ko martxoaren 24an**

**Julene Lazkano Zenitagoia  
ALKATEA**

# **HUTSIK DAUDEN ELORRIOKO MERKATAL LOKALETAN JARDUERA EKONOMIKOA ABIAN JARTZEN DITUZTEN EKINTZAILEENTZAT EDO LEHENDIK DAUDENEN JARRAIPENA AHALBIDETZEN DUTENENTZAT DIRULAGUNTZEN BERARIAZKO OINARRIAK (ESP. 2026-00303)**

## **ZIOEN AZALPENA**

Une hauetan bizi dugun globalizazioaren, internet bidezko eta azalera handien salmenta garaian, saltoki txikia, inoiz baino zaurgarriagoa da. Elorrio ez da salbuespen bat, eta azken urteotan hainbat lokal, negozio eta ostalaritzako establezimendu ixten ikusi dugu.

Jarduera hauek berreskuratzeko eta indartzeko funtsezkoa da laguntza emotea generazio barriei belaunaldien arteko erreleboa har dezaten, ekintzaileei lagunduz hutsik dauden merkataritzako lokaletan jarduera barriak instalatzen edo lehendik daudenak mantentzeko, honela, dagoen jardueraren belaunaldien arteko erreleboa bermatuz.

Beraz, asmoa da Elorrioko merkataritzaren biziberrikuntza bultzatzea eta sektore honetako funtzio ekonomiko berreskuratzeko jarduera eta inizatiba barriak jarriz edo lehendik daudenak mantenduz, merkatal lokalen kasuan, erabiltzen ez diren azalera mobilizatuz.

Elorrioko Udalak, 2026 urterako onartu dituen aurrekontuetan deialdi honen barruan aurkeztu diren egitasmoei aurre egiteko dirulaguntzarako aurrekontu-aplikazio bat sartu du.

### **1.- Xedea.**

Oinarri hauen xedea da, Elorrioko merkatal lokaleetako batean jarduera ekonomiko bat abian jarri duen edo jarri gura duen ekintzaile orok 2026ko laguntza programa honetan sartu ahal izateko bete behar dituen baldintzak eta betebeharrak zehaztea eta arautzea.

Elorrioko merkataritza jarduera orokorrean indartzeko erreferentzia izango dira Merkataritza Suspertzeko Plan Berezia (PERCO) eta baita Hirigune historikoko kaleen garrantzia. Hori horrela, lehentasuna izango dute guneko historikoko lokalek, eta aldi berean kontuan hartuko dira auzoetan eta merkataritza dentsitate txikiko inguruetako oinarritzako premiak estaliko dituzten proiektuak.

### **2. . Onuradunak**

Martxoaren 16koa 1/2023 Legegintzako Dekretuak, Emakumeen eta Gizonen berdintasun-erako eta Emakumeen Aurkako Indarkeria Matxistatik gabe Bizitzeko Legearen testu bategina onartzen duenak, 2.4. artikuluan ezartzen du dirulaguntzen onuradun direnek 3. artikulua (printzipio orokorrak), 17.a (estatistikak eta azterlanak) eta 19.4.a (hizkera inklusiboa eta ez-sexista) bete behar dutela, udalaren eta onuradunen arteko erlazioari dagokion denboran eta gaian.

Deialdi hau zuzenduta dago Elorrioko hutsik dauden lokaleetako batean jarduera ekonomiko abiarazteko edo lehendik daudenak belaunaldien arteko erreleboaren bitartez asmoa duten bai pertsona fisikoak, bai pertsona juridikoak, ekintzailea, bizi den lekuan bizi dela.

Dirulaguntzaren esleipendun titularrak lokala erabili beharko du, nahitaez, aurkeztutako egitasmoak jasotzen duen jarduerarako, eta ezingo du erabili beste jarduera mota baterako.



**Diru-laguntza jasotzen duen denda gutxienez urte 1 egon beharko da martxan, irekitzeko lizentzia eskuratzen den edo erantzukizunpeko adierazpena aurkezten den unetik aurrera zenbatzen hasita.**

**Indarrean dagoen araudiarekin bat, jarduera abiarazteko eta garatzeko beharrezkoak diren administrazio-lizentziak eta baimenak eduki beharko ditu.**

**Lokalaren erabilera-eskubidea pertsonala eta besterenezina izango da eta ustiapena esleipendunari dagokio, eta ezingo da beste inoren eskura utzi.**

**Dirulaguntza hauen onuradunak ezingo dira izan:**

- Ezingo dira onuradun izan administrazio-bidean, lan-bidean edo zigor-bidean berdintasun-eskubidea urratzeagatik eta sexuan oinarritutako bereizkeriari egiteagatik zehazpen irmoa jaso duten pertsona edo entitateak.
- Martxoaren 16ko 1/2023 Legegintzako Dekretuak, Emakumeen eta Gizonen Berdintasun-nerako eta Emakumeen Aurkako Indarkeria Matxistarik gabe Bizitzeko Legearen testu bategina onartzen duenak eta martxoaren 22ko 3/2007 Lege Organikoak, Emakumeen eta gizonen berdintasun eragingarrirakoak, xedatzen dituzten betebeharrak betetzen ez dituztenak.
- Dirulaguntza edo laguntza publikoak eskuratzea eragozten duen zehapen penal edo administratiboa izatea, edo horretarako ezgaitzen duen legezko debekuren baten eraginpean egotea, martxoaren 16ko 1/2023 Legegintzako Dekretuak, Emakumeen eta Gizonen Berdintasun-nerako eta Emakumeen Aurkako Indarkeria Matxistarik gabe Bizitzeko Legearen testu bategina onartzen duenaren edo martxoaren 22ko 3/2007 Lege Organikoaren arabera sexuaren ziozko bereizkerian erortzeagatik gertatutakoak barne.
- Kideak aukeratzeko prozesuan edo lan-jardueran sexuan oinarrituta diskriminatzen duten elkarteak edo erakundeak..
- Zerga betebeharretan eta Gizarte Segurantzaren egunean ez egotea.
- Dirulaguntza edo laguntza publikoak eskuratzea eragozten duen zehapen penal edo administratiboa izatea, edo horretarako ezgaitzen duen legezko debekuren baten eraginpean egotea, Emakumeen eta Gizonen Berdintasunerako otsailaren 18ko 4/2005 Legearen edo Emakumeen eta Gizonen Berdintasunerako martxoaren 30eko 3/2007 Lege Organikoaren arabera sexuaren ziozko bereizkerian erortzeagatik gertatutakoak barne.
- Dirulaguntzei buruzko azaroaren 17ko 38/2003 Lege Orokorraren 13.2 artikuluan, dirulaguntzen onuradun izateko aurreikusitako gainerako egoeraren batean egotea.
- Lan-arloko arau-hauste eta zehapenei buruzko 5/2000 Legegintzako Errege Dekretuaren 46.2 artikuluan aurreikusitako arau-hausteengatik zigorrik jaso ez dutenak izatea, ez eta baztertuak izan enplegu-programak aplikatzearen ondorioz eratorritako onuretatik.

- **Baztartuta geratzen dira dirulaguntzaren xede den jarduera garatzeko Elorriko establezimendua izan eta jarduera-lizentziarik edo erantzukizunpeko adierazpenik ez duten eskatzaileak.**

**Baztartuko dira baita, beste batzuen artean, kapital publikoko erakundeak eta administrazio publikoak, irabazteko xede ez duten elkarteak, fundazioak eta beste erakunde batzuk.**

**Laguntza horiengatik diru-laguntza jaso duen pertsona fisiko edo juridiko batek beste eskaera bat egin ahal izateko, gutxienez urtebete igaro behar du arrazoi horrengatik laguntza ematen duenetik, eta beste lokal komertzial batean egin behar du proiektu berria, lehen laguntza emateaz gain.**

### **3.-Diruz lagunduko den aldia**

**Onuradunak jarduera-lizentzia eskaera, edo kasua bada, jardueraren titularraren aldaketa 2026ko urtarrilaren 1a eta abenduaren 1a bitartean aurkeztu behar izan du Elorriko Udalean.**

**Edozein kasutan, dirulaguntza onartu ahal izateko establezimenduak zabalik egon behar du, eta beharrezkoak diren hirigintza-lizentziak eduki behar ditu, aurrean aipatutako epean.**

### **4. Aurrekontu kreditua**

**Finantzaketa 2026.4310.481.19 aurrekontu-aplikaziotik egingo da.**

**Kreditu erabilgarria 15.000,00 eurokoa da.**

**Emongo diren dirulaguntzen guztiak ez du gaindituko aurrekontuetan izendatutako zenbatekoa, edo eguneratu ondoren ateratzen dena, indarrean dagoen legediak xedatzen duenari jarraituz aurrekontuan aldaketak onartzen diren kasuan.**

**Dirulaguntzen hasierako zuzkidura gehitzeak aurrekontu kreditua gehitu delako, onartu den kasuan, ez du deialdia argitaratzerik behar izango eragina izan dezan, eta baldintza guztiak bete eta dirulaguntzarik jaso ez dutenei dirulaguntzak emoteko erabiliko da.**

### **5. Instalatu ahal diren jarduera ekonomikoak**

**Instalatu ahal diren jarduerak honako hauekin lotutakoak izango dira:**

- **Txikizkako merkataritza.**
- **Ostalaritza eta jatetxeak.**
- **Pertsonei zuzendutako zerbitzu-enpresak.**
- **Hutsik dauden merkatal lokaletan zabaltzen den beste edozein eta Elorriko merkataritzaren susperketarako interesa duen koherentea dena.**

**Lehetasuna honako proiektu hauek izango dute:**

- **Jendearentzat zabalik dauden Elorriko hirigune historikoan kokatutako establezimenduak.**
- **Gaur egun elorriarrei eskaintzen ez zaizkien zerbitzuekin lotuta daudenak.**
- **Itxi behar diren edo establezimendu barria zabaldu aurreko bi urteetan itxi diren jardueren jarraipena direnak.**

### **6. Dirulaguntzak onartzea Irizpideak eta zenbatekoa**



**Udalak dirulaguntzak onartuko ditu honako irizpide hauek baloratu ondoren:**

- **Establezimendua Hirigune Historikoko merkatal lokal batean kokatuta egotea.**
- **Berezitasuna:** udalerrian ez dauden jarduera ekonomikoak. Irizpide hau baita ezarriko da udalerrian bakarrik izan diren aurretiaz egindako jarduera ekonomikoen kasuan, jarraipena belaunaldien arteko erreleboa edo jarraipena planteatzen denean.
- **Jarduera zabaltzeko aurreikusitako edo egindako inbertsioa.**
- **Enplegu egonkorra sortzea.**
- **Belaunaldien arteko erreleboa, hau da, denda edo zerbitzu tradizionalaren jardueraren jarraipena baloratuko da, erretiroa edo jarduera bertan behera lagatzeagatik. Jardueraren jarraipena izango da establezimenduak bere jarduera azken bost urteetan garatu duenean.**

**Gehienezko dirulaguntza 4.000,00 € izango da, eta zenbateko hau kalkulatzeko irizpideak honako hauek izango dira:**

- **Establezimendua Hirigune Historikoko merkatal lokal batean kokatuta egotea. 500,00€**
- **Jardueraren berezitasuna: 1.000,00€**
- **Jarduera zabaltzeko aurreikusitako edo egindako inbertsioa: 100,00 € inbertsioaren 1000,00 € bakoitzeko, gehinez 900,00 €. Aurreikusitako inbertsioaren zenbatekoa jarduera-lizentzia eskaerari edo titularraren aldaketa egiteko erantsitako dokumentazioan agertu beharko da.**
- **Enplegua sortzea: jarduerarako kontratu mugagabe bidez kontratatutako pertsona bakoitzeko 300,00 €, gehienez, 600,00 €.**
- **Belaunaldien arteko erreleboa: 1000,00€.**

**Eskatzaile bakoitzari dagokion dirulaguntzaren zenbateko guztia, lehen aipatutako mugarekin, aipatutako irizpideak ezarri ondoren kopuruaren batuketa egin ondoren ateratzen dena izango da.**

## **7. Diruz lagunduko diren gastuak**

**Oinarri hauetan araututako dirulaguntzak jardueraren bizitzaren lehen urtean zehar sortutako gastuak finantzatzeko izango dira. Honako kontzeptu hauek diruz lagunduko dira. Diruz lagundu ahal diren gastuak 2027ko martxoaren 31 baino arinago justificatu egin behar dira. Horrela ez bada egiten dirulaguntza bueltatzeko prozedura hasiko da.**

- **- Negozio-lokalaren alokairuari dagozkion gastuak, betiere, lokala alokairuan emon duenarekin 2. mailara arteko odol- edo ezkontza-ahaidetasunezko harremana ez badago, edo errentan emon duenarekin jarduten duen pertsona fisiko edo juridikoaren bazkide-partaidea ez bada. Merkataritza-lokalek alokairuan hartuta egon beharko dute alokairu-kontratu bidez eta dagokion Jarduera Hasteko Erantzukizunpeko Adierazpena edo Irekitze Lizentzia eduki beharko dute.**
- **Jarduera garatzeko erositako higiezia finantzatzeko hipoteka-kreditu kuotei, titularraren izenean egon beharko dutenak, dagozkien gastuak. Kuota horiek dirulaguntzaren aldikoak izango dira, ez beste sasoi batekoak eta amortizatutako kapitala eta interesak agertuko dira.**

- Lokala egokitzeko gastuak.
- Jarduera garatzen den lokalarekin lotutako hornidura-gastuak: energia elektrikoa, gasa ura eta komunikazioak (Internet, telefonoa, eta abar).
- “Autonomoen Erregimen Berezian” jardueraren titularrak, pertsona fisikoen kasuan, edo Gizarte Segurantzako kuotak, pertsona juridikoen kasuan, ordaindutako kuotei dagozkien gastuak, guztiak dirulaguntzaren xede den aldian.

## 8.. Hizkuntza irizpideak Euskara

Dirulaguntza jasotzen duen jarduera orok honako betebeharreko hauek bete beharko ditu euskararekin lotuta:

- Negozioaren errotulazioan euskara sartzea.
- 
- Euskara establezimenduaren kanpoko publizitatean sartzea (kartelak, iragarkiak, diptikoak edo bestelako argitalpenak).

## 9.. Prozedura

Dirulaguntzen instrukzio organoa osatuko dutenen arteko genero parekidetasuna egongo da. Ordezkaritza orekatua dagoela ulertuko da lau kideetik gorako organoetan sexu bakoitzeko kideek %40ko ordezkaritza dutenean gutxienez. Gainerako kasuetan, berriz, bi sexuek ordezkaritza dutenean.

Fase honetan Elorrioko Udalak, instrukzio organoaren bitartez, aurkeztu diren proposamenak konparatu eta baloratu beharko ditu, onuraduna nor izango den zehazteko emakume eta gizonen arteko berdintasun irizpidea kontuan hartuz

Dirulaguntzen Ordenantza Orokorrak Lehenengo Kapituluaren 2. puntuan arautzen duenari jarraiki, salbuespen gisa dirulaguntzak zuzenean eman ahal izango dira interes publiko, sozial, ekonomiko edo humanitarioko arrazoiak egiaztatzen dituzten dirulaguntzak, edo bere deialdi publikoa eragozten duen beste edozein arrazoi egiaztatzen dutenak. Dirulaguntza hau arautzeko era ofizioz egingo da.

Eskaera aurkeztu ondoren, arloko zerbitzu teknikoek aztertu eta 6. artikuluan jasotako irizpideen arabera balorazio bat egingo dute dirulaguntzaren zenbatekoa finkatuz. Balorazio hori Berdintasuna eta Politika Sozialak Informazio Batzordeak aztertuko du eta diktaminatu ondoren Tokiko Gobernu Batzarrera bialduko du, honek erabakia hartzeko.

Prozeduraren gaineko erabakia hartzeko eta jakinarazpena egiteko epea ez da sei hilabete baino gehiago luzatuko. Gehienezko epe hau igaro bada erabakiaren gaineko bidezko jakinarazpenik barik, interesdunek ulertu beharko dute eskaera, administrazio isilbidez, atzera bota dela. Erabakiaren gaineko jakinarazpena interesdunei urriaren 1eko 39/2015 Legearen 40 artikulua eta hurrengoek aurreikusten dutena jarraituz egingo da. Hartutako erabakiak administrazio bideari amaiera emongo dio, eta erabakiaren kontra Udaleko alkatearen aurrean berraztertze errekurtsoa tartekatzeko aukera egongo da, edo baita zuzenean administrazioarekiko auzi-errekurtsoa tartekatzeko Bilboko dagokion auzitegian. Hori guzti hori, urriaren 1eko 39/2015 Legearen 40. artikulua eta hurrengoek, eta administrazioarekiko auzien jurisdikzioa arautzen duen 29/1998 Legearen arabera.

## 10. Izapidearen ardura izango duen administrazio-unitatea

Eskaerak Politika Sozietako administrazio-unitateak izapidetuko ditu.



## 11. Epea eta eskabide-orriak aurkeztea

**Eskabide-orriak, deialdia Bizkaiko Aldizkari Ofizialean argitaratzen den egunaren biharamunetik hasita 2026ko abenduaren 1ra bitartean aurkeztu ahal izango dira.**

**Eskabide-orriak Elorriko Udaleko Herritarrentzako Arreta Zerbitzuan aurkeztuko dira, edo baita abenduaren 1eko 39/2015 Legeak, Herri Administrazioen Administrazio Prozedura Erkidearena, onartzen dituen eretatik edozeinetan. Eskatera egiteak, interesdunek oinarrien edukia onartzen dutela esan gurako du.**

**Eskatera bakarra baino ezingo da aurkeztu merkatal lokal bakoitzeko.**

## 12. Aurkeztu beharreko dokumentazioa

**Eskabide-orriari erantsi beharko zaizkio:**

- Eskatzailearen NANaren fotokopia. IFKaren fotokopia, pertsona juridikoen kasuan.
- Eskabide-orria interesdunak edo eskatzailearen ordezkariak sinatuta.
- Ordezkaritza egiaztatzen duten agiriak. Ordezkaritza egiaztatu ahal izango da zuzenbidean baliozkoa den edozein bidez, haren existentzia modu fidagarrian jasota utziz gero.
- Zerga betebeharrak egunean dituela eta Gizarte Segurantzaz zorrik ez duela egiaztatzen duten agiriak.
- Jarduera-lizentziaren edo titularra aldatzeko Elorriko udaletxean aurkeztutako eskaeraren eskabide-orriaren fotokopia.
- Lokalaren alokairuaren kasuan, alokairu-kontratuaren kopia ekintzaileak eta lokalaren jabeak sinatuta.
- Lokala erosi den kasuan, salerosketa-eskrituraren fotokopia.
- Transferentzia-kontratuaren fotokopia, dagoen kasuan.
- Dirulaguntzaren xede den ekitaldi ekonomikorako sinatutako lan kontratuen fotokopia. Kontratuak behar moduan zigitatuta egongo dira eta mugagabeak direla jaso beharko dute.
- Jardueraren gaineko memoria labur bat honako puntu hauek jasoko direnean: Jardueraren edo negozio-ideiaren deskribapen txiki bat. Negozio barria den edo lehendik dagoen baten jarraipena den.
- Hirugarrenen alta behar bezala beteta. Agiri hau paperean edo online egin daiteke. Dokumentu horiek ez dira aurkeztu beharko Elorriko Udalak aurretik egindako deialdietan aurkeztu badira, eta betiere dokumentu horiek edo horietan islatutako datuak aldatu ez badira.

<https://www.elorrio.eus/eu-ES/lzapideak/Orriak/procedimiento-detalle.aspx?id=295cb091-c85c-4be0-b4f4-c485119cdb35>

**Jardueraren kokapena.**

**Proiektua asetzen duen merkatuaren premiaren deskribapena. Jardueraren edo negozio-aukeraren onuren deskribapena.**

Jardueraren, produktuaren edo zerbitzuaren hartzailerik izan daitezkeen bezeroen xehetasuna.

Jarduera zabaltzeko aurreikusitako edo egindako inbertsioaren xehetasuna.

Dirulaguntza emon eta jarduera hasi ondoren, egitasmoan jasotakoa ez betetzea nahiko arrazoi izango da dirulaguntzaren etenerako.

### 13. Dirulaguntzak zurrizteko era eta epeak

Zuriketa ordainagiri eta gainerako dokumentu frogagarri baliokideen fotokopia bitartez egingo dira. Betiere, dokumentuok diruz lagundu behar diren kontzeptuen lege eta merkataritza alorrean baliozkoak edo administratiboki eraginkorrak izan behar dute.

Zuriketa egiteko epea 2027ko martxoaren 31n itxiko da.

### 14 Dirulaguntzak ordaintzea

Erabakia hartu ondoren eta birformulazioetarako epea igarotakoan Elorrioko Udalak onartutako dirulaguntzaren % 80a ordainduko die onuradunei. Gainerako % 20a aurreko artikuluan zehaztutako dokumentazioa aurkezten denean.

### 15. Dirulaguntzen bateragarritasuna

Oinarri hauek arautzen dituzten dirulaguntzak bateragarriak izango dira beste edozein entitate edo erakundek emondako beste dirulaguntza batzuekin.

### 16. Oinarriak ez betetzea. Dirulaguntza deuseztatzeko arrazoiak

Onuradunak oinarri hauetan ezarritako baldintzetako edozein betetzen ez badu dirulaguntza jasotzeko eskubidea galduko du, jasotako zenbatekoak itzuli beharko ditu eta dagozkion beranduzko interesak eskatuko zaizkio.

Aipatutako ez betetze orokorrean gain, jarraian zehazten diren kasu zehaztuetan modu bera jarraituko da:

- Lokala ixtea edo jarduera uztea, zabaldu eta urtebete baino lehenago.
- Jarduera aldatzea Udalaren aurretiazko baimenik barik.

### 17. Datuen babesa

Interesdunak ematen dituen datuak deialdi honetatik eratorzen diren prozedurak kudeatzeko erabiliko dira, kontuan harturik zer ezartzen den honako araudi honetan: 2016/679 Erregelamendua (EB), 2016ko apirilaren 27koa, Europako Parlamentuarena eta Kontseiluarena, datu pertsonalen tratamenduari eta datu horien zirkulazio askeari dagokienez pertsona fisikoak babesteari buruzkoa, eta 95/46/CE Zuzentaraua indargabetzen duena (Datuak babesteko erregelamendu orokorra), eta 3/2018 Lege Organikoa, abenduaren 5ekoa, Datu Pertsonalen Babesari eta Eskubide Digitalen Bermeari buruzkoa.

Datu horiek inola ere ez dira erabiliko, eta ez zaizkie hirugarren batzuei lagako, interesdunak argi eta garbi ados dagoela adierazi ezean edo goian aipaturiko araudian ezartzen diren kasuetan izan ezik.

Araudi horretan xedatzen dena betetzeko, interesdunak honako eskubide hauek baliatu ahal izango ditu datuen tratamenduari arduradunaren aurrean: datuak



**eskuratzeko, zuzentzeko, ezerezteko («ahaztua izateko eskubidea»), haien tratamendua mugatzeko eta datuok eramangarri izateko eskubideak, bai eta tratamendu automatizatuan soilik oinarrituriko erabakirik ez jasatekoa (barne harturik profilen sorrera), baldin eta erabakiak eragin juridikoak badakarzkio edo, modu bertsuan, beragan eragin nabarmenik badu. Era berean, edozein mementotan atzera bota ahal izango du lehen adierazitako onarpena.**

**Halaber, erreklamazioa aurkezteko eskubidea izango du Datuen Babesaren Kontrol Agintaritzaren aurrean.**

## **18. Araudi Aplikagarria**

**Oinarri hauetan aurreikusi ez den guztirako Dirulaguntzen Lege Orokorrak, 38/2003, legea garatzen duen Erregelamenduak eta aplikagarria den gainerako araudiak xedatzen dutena aplikatuko da.**

## **19. Elkarreragingarritasuna**

**Elorrioko Udalak dokumentuak eta informazioa eskatu ahal izango dizkie beste administrazio batzuei, elkarreragingarritasunaren esparruan, Administrazio Publikoen Administrazio Prozedura Erkidearen urriaren 1eko 39/2015 Legearen 28. artikulua eta Gardentasunari, informazio publikoa eskuratzeko bideari eta gobernu onari buruzko abenduaren 9ko 19/2013 Legearen 5. artikulua arabera. Horren helburua da eskatutako dirulaguntzen kudeaketa erraztea eta administrazio-izapideen eraginkortasuna bermatzea.**

**Udal honek beste administrazio batzuetan norbere datuak eta dokumentuak kontsulta ez ditzan eskubidea du eskatzaileak. Eskubide horretaz baliatzea erabakitzen badu, behar bezala arrazoitutako idatzia egin beharko du, eta zergatia adierazi. Behar den moduan arrazoitu gabeko erabateko ezetzik ez da onartuko.**

**Datuak eskatzearen aurka egiteko idatzia dirulaguntzak eskatzeko epean aurkeztu behar du.**

**Oposiziorako idatzian honako datu hauek zehaztu behar ditu behintzat, eskatzaileak:**

- Eskatzailearen datuak.
- Zer dokumentu edo datuei egiten dien aurka zehaztu.
- Informazioa kontsultatzearen aurka egiteko arrazoiak adierazi eta haien justifikazioa.

**Eskatzaileak baliozko oposizio arrazoitua aurkezten badu, Administrazioak oposizio hori ebaluatuko du, eta erabakiko du ea egokia den beste administrazio batzuei dokumentuak eskatzen jarraitzea. Oposizioa ezesten bada, dirulaguntza izapidetzeko behar den informazioa eskatuko da.**

**Dirulaguntzen eskaerak sinatzeak berekin dakar dirulaguntzaren oinarrietako baldintzak onartzea, eta dokumentuak kontsultatzearen aurka egiteko eskubidea aitortzen du, bai eta oposizio hori dirulaguntzen eskabideak aurkezteko epearen barruan modu arrazoituan aurkezteko betebeharra ere.**

**Arestian adierazitakoa gardentasunaren eta datuen babesaren arloan indarrean dagoen araudiak arautuko du, bereziki, Datu Pertsonalak Babesteari eta Eskubide**

**Digitalak Bermatzeari buruzko abenduaren 5eko 3/2018 Legeak eta (EB) 2016/679 Erregelamenduak, datu pertsonalen tratamenduari dagokionez pertsona fisikoak babesteari buruzkoak.**